

KANTONALNI SUD U ZENICI  
BROJ:Kri-59/99  
Zenica, od 18.8. do 2.9.1999.godine

00940954

Z A P I S N I K



O ekshumaciji i sudsko medicinskoj ekspertizi posmrtnih ostataka stradalih Bošnjaka i Hrvata tokom 1992.ratne godine na područjima opština Teslić i Kotor Varoš, Republika Srpska, sačinjen na licu mjesta od 18.8. do 2.9.1999.godine, od istražnog sudije Kantonalnog suda u Zenici.

Prisutni su:

1. Ispred Kantonalnih suda i tužilaštva:

- Safet Hadrović, istražni sudija,
- Ragib Hadžić, zamjenik tužioca i
- Idriz Katkić, zamjenik tužioca

2. Ispred Državne komisije za traženje nestalih osoba  
Sarajevo:

- Amor Mašević, predsjednik komisije,
- Jasmin Odobasić, zamjenik predsjednika, i
- Zaim Kablar, član komisije
- Eva Klunovska, antropolog, koja radi pri Komisiji i
- Dr.Nermin Saračević, angažovan od komisije kao specijalista za sudsku medicinu.

3. Ispred MUP-a ZE-DO Kantona sa sjedištem u Zenici:

- Davor Franjić, krim.inspektor i
- Enes Sarić, krim.tehničar.

4. Angažovana vještakinja sa svojim pomoćnikom:

- Dr.Sabina Brkić - Silajdžić, specijalista za sudsku medicinu i
- Salih Hodžić, medicinski tehničar.

5. Ispred PHR-a , OHR-a i dr.:

- Prof.Dr. Derrick Pounder, specijalista za sudsku medicinu,
- Dr.Debra Komar, specijalista za sudsku medicinu,
- Džeraldin Hodžson, antropolog,
- Džeri Stjuart, patolog i
- Knut Koehl.

6. Ispred srpske strane:

- Boško Jotanović, član srpske komisije za traženje nestalih,
- Vojislav Bjegojević, inspektor CSB Doboj ,

...

00940955

2.

- Nedeljko Trivić, krim.inspektor,
- Borislav Kršić, komandir Stanice milicije u Kotor Varoši, i
- Zdravko Novaković, krim.tehničar.

- Na svim mjestima rada više policajaca, iz mjesta na kojim se radilo vrše obezbjedjenje prisutnih na mjestu rada.

Prisustvo radnika iz ekspertnog tima, a naročito iz obezbjedjenja, zavisno od mjesta i obima rada, mijenjalo se u toku rada.

Sa radom na terenu počeli smo 18.8.1999.godine u 9,30 časova.

Na inicijativu Državne komisije za traženje nestalih osoba Sarajevo, broj 06/5-635/99 od 13.8.1999.godine, po konkretnom prijedlogu Kantonalnog tužilaštva Zenica, broj KTA-115/99 od 16.8.1999.godine, da se provodjenjem pojedinih istražnih radnji, izvrše ekshumacije, obdukcije i identifikacije posmrtnih ostataka nalazećih u lociranim masovnim i pojedinačnim grobnicama na područjima opština Teslić i Kotor Varoš Republika Srpska, istražni sudija je formirao ekipu od radnika odgovarajućeg stručnog profila i otpočeo je rad na provodjenju predloženih istražnih radnji 18.8.1999.godine.

I

Prije početka i u toku provodjenja predloženih istražnih radnji, obzirom na konstatacije iz citiranog prijedloga tužilaštva da su srpske paravojne i policijske formacije i okupacijska JNA u kampanji vršenja genocida tokom ljeta 1992.godine izvršile masovna ubistva i druge zločine nad nesrpskim civilnim stanovništvom na područjima opština Teslić i Kotor Varoš, nastojali smo o tome na licu mjesta prikupiti orijentacione podatke od osoba, koje nisu željele da im se imena evidentiraju.

Naime, u cilju stvaranja "etnički čistih prostora", znatno prije 1992.godine, Srbi na područjima opština Teslić i Kotor Varoš tajno su naoružavali srpski narod iz bogatih arsenala oružja tadašnje JNA. Formirali su srpsku vojsku i policiju, vršili blokade mjesta naseljenih sa nesrpskim stanovništvom, kasnije ta mjesta su nemilosrdno napadali, pljačkali i sa njihovim stanovništvom uništavali. Nesrpsko stanovništvo, naročito Bošnjake, su: ubijali, protjerali, u formiranim logorima i zatvorima na svirepe načine maltretirali i zlostavljali.

U pripremama za vodjenje agresivnog rata i u toku rata protiv nesrpskog stanovništva u najekstremnijem smislu djelovali su:

- na području opš. Teslić;

...

3.

Nikola Perišić, dipl. pravnik; Dejan Bilanović, potpukovnik; Jovo Djurić, major; Boro Maksimović, kapetan; Milorad Makrović, dipl. inženjer; Savo Knežević, pop za područje Teslića; Drago Antošević, kapetan; Predrag Radulović, radnik CSB Banja Luka; Predrag Markošević, politolog; Marinko Djukić, diplomirao ONO i DSZ i bio načelnik SJB Teslića; Goran Bubić, inženjer; Bogoljub Djukić, sociolog, svi kao organizatori i komandni ovlaštenici. Među neposrednim izvršiocima najraznovrsnijih zločina, bili su angažovani: Slobodan Jovanović, zv. Boban; Gladjan Čović, vojni policajac, a po zanimanju bio konobar; Tomo Minajilović, zv. Kuka; Dušan Jotanović, zv. Dule, kapetan i bio upravnik logora u Pribiniću; Drago Jovičić, zv. Tolja; Miroslav Malić, bio čuvar logora u zgradi TO; braća Brano i Branko Mišići, sinovi Dušana; braća Simo i Savo Kovačevići zv. Kujarići; Nenad Nešo, srbijanac iz Beograda; Goran Djolić, pravio zločine u selu Stenjak; Dragan Jovičić, navodno živi u Njemačkoj; braća Petar i Petar Kerići, žive kod oca u Njemačkoj; Sredo Stjepanović, također se nalazi u Njemačkoj; Slaviša Stjepanović; Drago Stjepanović; Zoran Kolobakić, Dragan Toplek, Stanko Marijanović, Marinko Kršić, Miroslav Gotovac, Miljenko Stojanović, Drago Latić, Sveto Miškić, Živko Spasojević, Ranko Djukarić, Branko Gotovac idr.

Na području opš. Kotor Varoš, u raznovrsnim oblicima ekstremizma pokazali su se:

Marinko Vasiljević, Zoran Momić, Duško Krezović, Miodrag Gendar, Nedeljko Djurić, Zdravko Kršić, Brano Stojanović, Duško Vujičić, Zdravko Žutić, Zoran Sakan, zv. Caco, Lazo Sakan, Željko Sakan, Dragoljub Sakan, Kojo Sakan, Ljubinko Sakan, Vojin Kerez, Rade Kerez, Boro Kerez, Goran Kerez, Manojlo, Željko i Dragoslav Filipovići, Djuro Kušić, Boro Žarić, Manojlo Tepić, Vojin Tepić, Dragoljub Tepić, Drago Tepić, Željko Tepić, Ilija Tepić, Zoran Tepić idr.

Predloženo nam je da je na područjima opština Teslić i Kotor Varoš pobijeno na stotine nesrpskih civila, kasnije zakopanih na raznim mjestima i da planirano ekshumiranje njihovih tijela sada predstavlja samo početak tog ogromnog posla.

Čitav naš rad, od početka do kraja, praćen je fotosnimanjem. Članovi ekspertnog tima rade prema svojim stručnim znanjima, svaki svoj dio posla, o čemu će rukovodilac tima sačiniti odgovarajući zapisnik.

Fotodokumentacija i zapisnici ekspertnog tima, koje će na osnovu na terenima dobijenih rezultata sačiniti rukovodilac tima, uzeće se sastavnim dijelom ovoga zapisnika.

## II

1. Prva grobnica na kojoj smo otpočeli sa izvođenjem planiranih radova ekshumiranja, nalazi se na bošnjačkom groblju u Tesliću i to u selu Stenjak, lijevo od seoskog puta i na oko 2-3 km istočno od Teslića. Mjesto na kojem se bošnjačko groblje nalazi zove se "Kruševlje".

...

Prema predhodnim obavještenjima, inscenirajući napad od Bošnjaka, faktički teslički srbi napali su u selu Stenjak Bošnjake između 3. i 10. juna 1992. godine i tom su prilikom pobili oko 17 nenaoružanih bošnjačkih civila, čija su tijela, znatno kasnije - kada su se već počela raspadati pokupljena po selu i od Bošnjaka, koji su se po selu i šumama krili, sahranjena su u pomenutom groblju. To i naprekidni napadi Srba pokrenuli su masu bošnjačkog naroda, koja je preko sela Mrkotić prebjegla na slobodnu teritoriju uglavnom opštine Tešanj.

Predočena nam grobna mjesta nisu vidno označena, ali po obliku grobljanske površine vidljivo je da se tu nalaze grobovi poredjani, na međusobnom rastojanju od po metar, odozdo od jugozapada, na gore prema sjeveroistoku. Grobovi su pojedinačni.

Na licu mjesta nam je predočen red grobova u groblju sa predpostavkom ko je od ubijenih u kojem grobu sahranjen. Prema takvom predočenju u grobovima trebala su se nalaziti tijela: Iriškić Rašida, sina Huse; Rahić Hasana, sina Mujkana i Have; Iriškić Salina, sina Hajre; Rahić Umke, kćeri Ibri; Mahmutović Mehe, sina Mehmeda; Šadirović Huseina, sina Memije; svi iz Sjenjaka Teslić i Aličehajić Mersada, sina Salina, iz Čajra opšt. Doboje. U toku vršenja ekshumacije osim sedam pomenutih tijela, ekshumirana su još dva tijela o kojim predhodno nismo dobili bliže podatke.

Na dubini od 50 do 80 cm kopanjem nailazimo na drvene poklopce stavljene na improvizovane drvene sanduke u kojim su navodno, nakon ubijanja, stavljena tijela ubijenih. Skidanjem tih poklopaca vidljiva je unutrašnjost tih sanduka i nju ispunjavaju sitne i krupne kosti, komadi tekstila, trulež sa zemljom sve to prožeto ugljenisanim neidentifikovanim materijalom, što očigledno znači da su tijela ubijenih, prije zakopavanja, paljena. U šestom grobu, obzirom da u sanduku ima više posmrtnih ostataka, očekujemo da su ti ostaci od najmanje 4 osobe.

Svi su pronađeni posmrtni ostaci, sa odgovarajućom pažnjom, pojedinačno stavljani u plastične vreće i prevezeni su na sabirno mjesto u selo Mrkotić, gdje će se vršiti njihova dalja sudsko medicinska obrada i identifikacija, sa kojom bi trebalo da se iznadju odgovori na brojna pitanja ovog slučaja. Grobna mjesta sa istrulim daskama su zatrpana zemljom, a grobnicu smo označili sa oznakom Stenj.1/1-9.

2. Dana 19.8.1999. godine odpočeli smo sa izvođenjem ekshumacionih radova na lokalitetu "Bebe" na planini Borja, udaljenom od Teslića 22 km na putu prema Kotor Varoši. Taj lokalitet je na jednoj zaravni lijevo od asvaltnog puta. Na njegovoj široj, relativno ravnoj i čistoj površini nalazi se jedna uvala, čije je dno ravno, sučvarno, obraslo rastinjem Rakite i visokom travom i u dimenzijama je 18 x 12 metara. Njegove strane, koje se uzdižu iznad dna, u prosjeku su od 7 metara. Desno od te uvale, gledano iz pravca kretanja, nalazi se ravan plato, širine oko 30 metara i između njegove desne strane i bukove šumeu velikoj strani, ide makadamski kolski put. Pošto je opisana uvala na skrovitom mjestu, udaljenom od Teslića 22 km, i pošto se u njoj blizini nalazio koncentracioni logor "Pribinić" u selu, između Teslića i te lo-

kacije logora, postojala je pretpostavka da je na mjestu "Bebe" nalazećem između Teslića i Kotor Varoši zakopano 45 do preko 100 u toku rata pobijenih Bošnjaka i Hrvata na širem području Teslića i u logoru Pribinić, nalazećem u istoimenom selu. Zbog toga smo otpočeli sa intenzivnim istraživanjem tog lokaliteta. Kada angažovani radnici na tom mjestu nisu ništa pronašli, obzirom na činjenicu da je dno opisane uvale kontinuirano zatrpavano dovlačenom zemljom i da bi se eventualno postojeći posmrtni ostaci ubijenih mogli nalaziti na većoj dubini, na licu mjesta obezbjeđili smo rovokopač, koji je po dnu uvale napravio četiri tranše - jednu po širini i jednu po dužini, a mjestimično su dostizali dubinu i do 4 metra. Kako ni taj napor nije dao očekivane rezultate, privremeno smo morali obustaviti rad na tom mjestu.

Međutim, nakon intenzivnog pretraživanja šireg terena mjesta zv. "Bebe", ponovo smo se vratili na taj lokalitet i radili na njemu 30. i 31.8.1999. i 1.9.1999. godine pronašli smo na drugom mjestu masovnu grobnicu iz koje smo ekshumirali 28 tijela. To mjesto je desno naspram opisane uvale i to u bukovoj šumi oko 50 metara ispod desne ivice naznačenog makadamskog puta, u šumovitoj strani nagiba na dole od oko 75 stepeni. Na jednoj blažoj zaravni, dimenzija 50 x 20 metara vidljivo je oko 15 cm udubljenje površine 7,30 x 2,80 metara pokriveno opalim lišćem. Nakon fotografisanja i skiciranja tog udubljenja sa njegovom bližom okolinom, uveli smo radnike da na tome mjestu vrše otkopavanje, što su oni i činili ručno. Jer je tu nemoguće dovesti kakvo za te potrebe neopodno motorno sredstvo. U uslovima neprekidnog padanja kiše i po blatnjavom terenu, radeći 30. i 31.8.1999. godine na otkopu zemlje, na dubini od 1,30 na gornjoj i 1,60 metara na donjoj strani grobnice i na površini od 7,2 m našli smo na pravu kosturicu od lobanja, raznih krupnih i sitnijih kostiju i drugog materijala. Uz taj materijal nalaze se i razni istrulji odjevni predmeti. Pošto je to skoro nemoguće opisati, zadovoljili smo se sa intenzivnim fotografisanjem sadržaja te grobnice i nakon pažljivog i finog otkopa uveli smo u grobnicu 1.9.1999. godine sve prisutne medicinske i druge stručne radnike da oni, po pravilima nauke kojom se bave, međusobno izrazdvajaju tijela i da, gdje je to potrebno, sastavljanjem kostiju formiraju kosture sve sa nastojanjem dobijanja pouzdanih podataka o tome koliko se žrtava nalazi u toj grobnici, kada su one zatrpane u njoj i koji su uzroci njihovih smrti. Pošto se i u grobnici i oko nje nalazi mnogo zrna od ispaljenih metaka, prisutnom kriminalističkom tehničaru je naloženo da sve to pokupi i da, kao dokazni materijal, sačuva. Pošto se taj posao veoma pažljivo odradjuje, na njemu se gubi i dosta vremena. Nakon opisane obrade, jedno po jedno tijelo angažovani stručnjaci stavljaju u plastične vreće koje, privremeno postavljenu, ličarom izvlačimo i stavljamo na ravni plato između opisane makadamskog puta i uvale.

Iz opisane grobnice izvadili smo 28 tijela i nakon odgovarajućeg fotografisanja, sva su ta tijela prevezena na sabirno mjesto u selu Makotić, na dalju obradu - obdukciju i identifikaciju, o čemu će biti sačinjeni posebni odgovarajući zapisnici, koje ćemo uzeti za sastavni dio ovoga zapisnika.

Grobnicu smo označili sa "BEBE" 1/1-28.

00940959

3. Dana 2.9.1999.godine, po prijavi i planiranom programu rada, došli smo u seosko groblje zv. "Ledine" u selu Stenjak, opš. Teslić. U tome selu 5.7.1992.godine teslički arbi ubili su 5 muškaraca i 2 žene, koje ostali u tom selu Bošnjaci, pokopali 6.7.1992.godine u seoskom groblju zv. "Ledine".

Groblje "Ledine" se nalazi na blagoj padini prisojne strane sela Stenjak, iznad kojeg se nalaze porušene brojne kuće. Na gornjoj strani groblja u pravcu od juga prema sjeveru predočene su nam grobnice u kojim bi se trebala nalaziti tijela: Budžar Ibrahim, sin Juse, Husić Smaje, sina Fazlije, Golub Jusufa, sina Nazifa, Smajlović Alije, sina Smaila, Huselja Smajla, sina Sulejmana, Huselja Salina, od oca Adila i Omerović Alije, od oca Smaila, svi iz Stenjaka, osim Husić Smaje, koji je iz sela Ilice opš. Teslić.

Nakon otkopavanja površine, dimenzija 6 x 2 metra, na prosječnoj dubini od 50 cm, naišli smo na drvene i istrule poklopcu, a daljim otkopavanjem otkrili smo po dva od dasaka skovana pregratka, međusobno povezana, u kojim se nalaze po jedno tijelo, sa odjećom koju je imalo u momentu zakopavanja. Jedna je grobnica južnije iza dva metra izdvojena od ostalih, a svi su porudjani u jednom redu. Sva su ekspanzirana tijela stavljena pojedinačno u plastične vreće i prevezena su od mjesta iskopa u selo Mrkotić opš. Tešanj, radi dalje sudsko medicinske obrade, o čemu će biti sačinjeni posebni zapisnici i bit će uzeti sastavnim dijelom ovoga zapisnika.

Grobnicu smo označili sa "LEDINE" 1/1-7.

## II

1. Dana 25.8.1999.godine u selu Čirkino brdo, opš. Kotor Varoš, na njivi zv. "Zabrnjica", u svojini Vilić Hasana, predočeno nam je da se tu nalazi jedna masovna grobnica, u kojoj se nalaze posmrtni ostaci šest žena i jednog mladića. Njih su Srbi iz Kotor Varoši pobili 16.8.1992.godine u istoimenom selu, njihove leševe stavili su u štalu Čirkić Edhema, udaljenu južno od grobnice oko 100 metara i tu su štalu sa leševima zapalili. Pažljivim pregledom tog zgarista pronašli smo sitnih kostiju, ostataka odjevnih predmeta, zrna i čaura od ispaljenih metaka i dr. Sve smo to fotografisali. Dana 18.8.1992.godine zaostali mještani u selu leševe sa zgarista štale noću su pokupili i zakopali u jednoj grobnici na pomenutom mjestu u njivi.

Prema predhodnim obavještenjima u naznačenoj masovnoj grobnici trebali bi se nalaziti posmrtni ostaci:

- Čirkić Mine, supruge Mehmeda, rođj. 1928. godine,
- Čirkić Hatidže, supruge Kadira, rođj. 15.11.1935. godine,
- Mujaković Zize, supruge Redža, rođj. 1913. godine,
- Vilić Fate, supruge Bajre, rođj. 1933. godine,
- Menzil Hajrije, kćeri Ibne, rođj. 1938. godine,
- Dugonjić Hadžire, supruge Mehmeda, rođj. 1936. godine i
- Mladića Vatrić Aziza, sina Sulje, rođj. 1966. godine, svi iz sela Čirkino brdo.

Na njivi, gledano iz blizine i na prvi pogled, osim

ulegnuća površine , teško da bi se moglo na osnovu toga zaključiti da se upravo na tome mjestu nalazi masovna grobnica. Međutim, uvažavajući obavještenja , mi smo na površini 3,30 x 2 metra , nakon fotografisanja , otpočeli sa vršenjem otkopa.

Na dubini od 1,10 m naišli smo na prvo tijelo, koje je donekle očuvano. Kopanjem , na dubljem i širem prostoru te grobnice, nailazimo na mnogo krupnijih i sitnijih kostiju, djelimično međusobno povezanih i razdvojenih, te nakon odgovarajućeg fotografisanja tog materijala u vezi sa njegovim sastavljanjem, razdvajanjem i upornim nastojanjem da se individualiziraju tijela, na čemu se angažovao cijeli ekspertni tim a najviše antropolozi Eva Klonovska i Džeraldin Hadžison. Konačni rezultati tih napora bit će vidljivi iz njihovih zapisničkih konstatacija.

Grobnicu smo označili sa Ćirkino brdo 1/1-7.

2. U selu Rujeveci , zaselak Grgići, opš. Kotor Varoš, blizu kuće Grgić Ante , dana 25.8.1999. godine , iz jedne grobnice ekshumirali smo posmrtni ostatke , 15.8.1992. godine od Srba ubijenog Vatrić Redže, sina Sulje i Zlatke, rođj. 1966. godine u selu Večići. Ta grobnica je daleko oko 1 km od naprijed naznačene masovne grobnice i prednje podatke o danu stradanja , mjestu grobnice i stradalom dao nam je Vatrić Suljo, otac stradalog.

Grobnicu smo označili sa "Grgići" 1/1.

3. Dana 25.8.1999. godine u mjestu zv. "ZGONOVI" u selu Večići opš. Kotor Varoš, na livadi u svojini Alagić Alage, iz Večića, predočeno nam je da se nalazi grobnica u kojoj su 2.11.1992. godine zakopani posmrtni ostaci od Srba ubijenih mladića:

- Tatar Nijaz, sin Ćerima i Emine, rođj. 1965. godine,
- Tatar Hasib, sin takodjer Ćerima i Emine, rođj. 1962. i
- Botić Muharem, sin Rame i Fate, rođj. 1962. godine.

Bili su iz sela Večići opš. Kotor Varoš i kada su , noseći bijelu zastavu , bili krenuli da se predaju mjesnim Srbima oni su ih sa rastojanja , pucajući iz tenka , pobili. Organizator tog zločina i svih drugih zločina u selu Večići, bio je Srbin župljanin Slobodan.

Nakon fotografisanja naznačenog lokaliteta , otpočeli smo sa vršenjem otkopa. Na dubini od 25 cm ispod površine ukazuju se tri očigledno muška tijela sa lobanjama okrenutim prema jugozapadu i nožnim kostima prema sjeveroistoku. Tijela su postavljena jedno do drugog i samo je jedno uvijeno u najlon. Vidi se civilna odjeća a naročito duboke cipele i u tom tekstilu su kosti osim lobanja koje se takodjer nalaze u grobnici.

Nakon finog otkopa , ljekarskog pregleda i fotografisanja, svi ti ostaci su pokupljeni , stavljeni u plastične vreće i kao u svim drugim slučajevima , prevezeni su na sabirno mjesto u Mrkotiću , radi dalje obrade.

Grobnicu smo označili sa "Zgonovi" 1/1-3.

00940961

8.

4. Dana 26.8.1999.godine odpočeli smo sa radom u selu Hanifići, Mjesna zajednica "Vrbanjci" opš.Kotor Varoš, kod devastirane scoske džamije pomenutog sela.

Prema predhodnim obavještenjima, koja, pored ostalih daje i Botić Ibrišim, dobro naoružani Srbi su oko 14.8.1992. godine po selu Hanifići i drugim oblišnja mjestima pokupili 3 do 400 bošnjačkih civila i sabrali ih na prostor iza desne obale riječice Bosanke daleko od džamije oko 60 metara. Na tome su mjestu razdvojili žene sa djecom i starce od radno sposobnih muškaraca. Žene sa djecom i starce su deportovali za Travnik. Iz grupe radno sposobnih muškaraca, po nekakvim svojim kriterijima, izdvojili su njih 8, uveli ih u džamiju, postrijeljali ispred mihraba i rafalima iz automatskog naoružanja ih pokosili, da bi nakon toga džamiju sa pratećim objektima zapalili. Džamija i uz nju objekti bili su izvanredno opremljeni. Samo jedan njen luster kupljen je za 34.000 DM. Za ostale radno sposobne okupljene muškarce ništa se ne zna, a računa se da je na području opš.Kotor Varoš likvidirano od Srba oko 780 osoba - Bošnjaka, koje se sada tretiraju nestalim.

Oko 29.8.1992.godine posmrtno ostatke u džamiji pobijenih i zapaljenih Bošnjaka, iz džamije je sa svojih 7 rodjaka, iznio Alekić Idriz, sin Nazifa, iz Hanifića, i zakopao ih je noću u samom donjem sjevero-istočnom dijelu džamijskog dvorišta i groblja, ograđenog betonskom ogradom i daleko od džamije 12 metara.

U zajedničkoj grobnici, koju danas trebamo obraditi, trebala bi se nalaziti, kako smo informisani, tijela:

- Planinkić Mujo, sin Sulje, rođj.1928.godine,
- Alekić Mijaz, sin Nasufa, rođj.1943.godine,
- Alekić Murat, sin Kasima, rođj.1930.godine,
- Alekić Redžo, sin Ramiza, rođj.1933.godine,
- Smajić Suljo, sin Smaje, rođj.1951.godine,
- Alekić Rifat, sin Naziva, rođj.1930.godine,
- Smajić Rasim, sin Mehe, rođj.1918.godine i
- Botić Behar, sin Mehe i Zlate, rođj. 1928.godine.

Naznačeno grobno mjesto, nakon fotografisanja, otpočeli smo da otkopavamo i na dubini od 60 cm naišli smo na posmrtno ostatke ljudskih tijela. U toj grobnici vidljive su različite kosti pomiješane sa zemljom. Pošto se u grobnici nalaze krupne, sitne kosti i brojni drugi materijali, sve to laiku predstavlja jednu smještu, zbog čega samo stručnjacima treba prepustiti da oni u vezi sa tim odrade odgovarajući posao.

Na livadi odmah sa jugo-istočne strane džamijske ograde, članovi ekspertnog tima su postavili u redu 8 plastičnih vreća, a radnici su vršili lagano otkop grobnice uz kontrolu angažovane vještakinje Dr. Sabine Brkić - Silajdžić. Antropolozi Džeraldin Hadžson i Džeri Stjuart, koji je i patolog, su prosijavali zemlju izmiješanu sa sitnim kostima i u neprestanom kontaktu sa imenovanom vještakinjom, iz grobnice su iznosili iskopani materijal i stavljali ga u poredjane plastične vreće tokom cijelog radnog dana. To je mukotrpan i vrlo spor posao, koji traje sve do potpunog ispražnjenja grobnice. Rezultati takvog rada samo mogu biti iskazani, nakon daljeg odgovarajućeg tretmana, u posebnim zapisnicima o svemu tome.



00940962

9.

Na kraju radnog dana , plastične vreće sa njihovim sa-  
držajima , sa lica mjesta prevozimo na sabirno mjesto u selu Mrko-  
tić opš. Tešanj, gdje će se vršiti dalja analiza iskopanih posmr-  
tnih ostataka. Zapisnici o tome , kako je već rečeno , uzet će se  
sastavnim dijelom ovoga zapisnika, kao što će se učiniti i sa fo-  
todokumentacijom , sa kojom je praćen cijelokupan naš rad.

Grobnicu smo označili sa "Han" 1/1-8.

Naš rad na terenu opština Teslić i Kotor Varoš sa ovim  
je za sada završen.

Istražni sudija  
Safet Hadrović